



Universitätsbibliothek Paderborn

**R. P. Ioannis Azorii Lorcitani, Societatis Iesv Presbyteri
Theologi, Jnstitvtiones Morales**

In Qvibvs Vnivers[a]e Qvaestiones ad Conscientiam recte aut prauè
factorum pertinentes, breuiter tractantur

Azor, Juan

Coloniae Agrippinae, 1602

22. De Causis Peccatorum.

urn:nbn:de:hbz:466:1-14077

1.2.4.7.4.4.6.5.7. Augustinum secutus hec peccata ita distinguit, quod consensus in delectatione ad rationem inferiorem pertineat, ad superiorum verò consensus in opus, quæ sententia est magna difficultate implicata. Nam consensus in delectationem sèpè est lethalis, at lethale crimen ad rationem superiore diximus pertinere. Præterea, multa sunt delectationis morosæ peccata, quæ interius tantummodo perficiuntur, veluti superbia, inanis gloria, odium, ambitio, ira, inuidia; ergo huiusmodi peccata solù parti inherēt superiori. Caietanus responderet; id est consensum in delectationem spectare ad partem superiorē, quia suapte natura ad opus refertur, & dirigitur, consensus verò in opus non refertur in aliud: superioris autem partis est dirigere, non dirigi; contra verò inferioris dirigiri, non dirigere. Sed certe hoc fundatum possum à Caietano alij non placet: quia multa sunt malefacta, qua minimè in seipso finiuntur, & definiunt, sed in aliud referuntur, pleraq; item delectationes internæ sunt, quæ in seipso terminantur, & compleuntur, ut di- ximus. Alij videntur intelligere nomine delectationis solū veniale peccatum. Sed Augustinus etiam de lethali, & mortifera delectatione loquitur, cum eam dicit ad partem inferiorem pertinere: at enim propter eam hominem totum damnari, nisi Christi gratia remittatur. Quare nec est, quod multum laboremus hac in parte de Augustini sententia: nec item est, quod Caietani interpretationem facile resumeremus. Nam Augustinus docere voluit, cum opere, & facto ipso delinquimus, tria esse, sicut in primo nostri parentis Adæ peccato, tria fuerunt: fuit in illo serpens suggerens malum: fuit mulier malum viro proponebat, fuit vir in peccatum consentiens: sic cum facto ipso peccamus, sèpè vñi venit, vt sit sensus carnis, obiectus illecebras voluptatis, & blandimenta corrupta libidinis: & sit appetitus animalis, mentem ipsam voluptate deliniens, & allicens: & sit mens ipsa, quæ in opus consentit. Ergo verum est, quod ait Caietanus: Augustinum scilicet, & S. Thom. locutus suis de peccato, quod ex cogitatione, & sensu, & delectatione ad opus peruenit: incipit ex sensu suggerente malum, continuatur in appetitu voluptate quadam hominem imitantur ad opus, & tandem completur in opere, quia mens ipsa consentit. Non loquuntur Augustinus, & S. Thomas de ijs delectationibus, quæ interius cōsummantur in mente, sed de ijs quibus peruenit ad opus, in quo tota peccati culpa compleetur; & ipsum opus non refertur in aliud.

Cap. XXII.

De causis peccatorum.

Animaduerrendum est, multis esse peccatorum causas, alias quidem intrinsecas, vt vocant, ex parte hominis, alias extrinsecas. Inter intrinsecas autem causas cōfentur ignorantia, animi perturbatio, metus, ira, cupiditas, de quib; suo loco disputatum est: item mala voluntatis elecio, & habitus virtiosus, de quibus non nihil attingam. Inter extrinsecas verò sunt res, quæ nobis obiecta in sensu incurruunt, peccatorum oc-

ciones innumeræ, impulsus dæmoni mala suggerentium: de quibus nihil attinet disputatione. At quia Deus peccati auctor nequaquam est, & ramen sine eo actio, quæ est peccatum, non fit, quo indice, & vindice peccata puniuntur; item quia accidit, ut peccatum unum sit poena alterius; id est diligenter explicare oportet, quo pacto Deus peccati causa, & auctor non sit.

Primo igitur quæzzi solet, An Deus aliquo modo causa peccati dici queat? Mag. 2. dist. 37. ait esse quorundam opinionem, peccatum, quatenus actio est, à Deo non esse, sed ab homine, vel diabolo. S. Thom. 2. 4. 37. quest. 2. art. 2. & Aegid. 2. 4. 37. q. 1. a. 2. docent eam sententiam esse errori proximam, immò errorem cōtinere, vnde ea opinio communis Theologorum consensu rejicitur. 2. dist. 37. nam sicut quidquid est, sine Deo fieri, aut esse non potest, eo quod Deus est prima omnium causa, primum bonum, sic etiam cū Deus sit primus actus, primum agens, primum mouens, nullus actus, nulla actio, nulla motio esse potest, quæ non sit à Deo. Durand. 2. dist. 1. quest. 5. & 2. dist. 37. quest. 1. Aureo. 2. dist. 37. quest. 1. leniterunt Deum cum causis secundis non agere proximè, sed remore, nam eas conferunt, & finit operari, & efficere per vires ipsius data, cum fuerunt à Deo initio procreatae. At hæc opinio, ut errorem etiam in fide continet communis Theologorum consensu refellitur. Totu huius rei controværia in eo sita est, cur peccatum in hominem conferatur, in Deum non item: cum tamen Deus, & homo ipsum opus efficiant, cui est priuatio coniuncta, per quam actus honestatæ debita, & convenienti rationis ordine careret. Quidam ingenuè fatentur, Deum non quidem peccare, sed esse, & mali operis auctorem, & boni: quia quodcumque opus, licet malum sit, actus quidam est, & actus hoc ipso quod est, sine Deo fieri non potest. Quod autem Deus non peccet, inde est, quod peccatum non fiat eius suâfione, impulsu, consilio, vel iussu. Sed adhuc argumentum virget: nam hoc non sufficit, eo quod cū peccantibus oportet etiam nos non operari, aut cōfessuræ, ne peccemus. Scotus responderet Deum auctorem peccati non esse, quia nullis legibus tenetur; & id est non deber actum, qui malus est de uitare, homo verò debet. Sed nodum difficultatis plenè non solvit: quoniam peccatum sèpè est actus per se malus: ergo fieri bene etiam à Deo nequit. Gabr. Ocham. Maior. & alijs respondent, Deum facere actum, qui malus est, sed non peccare; & dici posse Deum esse causam peccati, at non peccare, quoniam peccare non est idem, quod facere actum, qui malus est, sed facere actum malum male. Deus autem non facit male, sed homo. Caterum dici non potest, Deum esse causam peccati, quoniam peccatum, ut peccatum est, contra rectam rationem, & Deum est; sed Deus non facit actum malum, ut malus est, licet faciat actum, quatenus actus est; quia ratione, mali rationem non habet. Sot. apud Medina 1.2. q. 79. art. 2.

*Canis a-
pud Medi-
nam r. 2. q.
79.a.2.*

nus ait, rationem peccati non esse rationem rei, sed intellectus, non placet. *Inter Scholasticos igitur hæc controversia exagitata, varijs modis diluitur, quibus prætermis breviter dicendum existimo, nihil fieri à Deo, nisi sit à Deo volente: Deus enim non nisi per voluntatem quicquam in rebus efficit: actum verò peccati, quatenus peccatum, non quatenus actio quædam est, Deus voluntate (quam vocant) antecedenti non vult, nec enim suadet ullo modo, vel iubet fieri peccatum, nec consilium dat, ut fiat, nec naturam rationis compotem cōdit, aut vires, facultates, auxiliū villa præstat ad peccandum, nec ullum hominem sua opera præuenit, hoc est, nemini suggerit cogitationem malam, ut delinquit; sed contra potius omnem actum malum prohibet, ac ne fiat, apta, & idonea subdida conferit. Solum igitur operatur cum homine peccante, at ea Dei operatio non est, qua, qui peccat incitetur, vel mouetur ad peccandum, sed est operatio hominis condite natura conueniens: res enim instituta, & diuinis procreata, nihil prorsus efficerent, nisi Deo cum ipsis operante. Quo fit, ut actus peccati, non quatenus actus quædam est, hoc enim modo non malum, sed potius boni rationem habet, sed quatenus peccatum est conuenienter, & debito rationis ordine vacans, permittente Deo fiat, non tamen volente. At, inquires; Non permittit; nisi volens. Respondeo, permittere quidem Deum voluntem cō, quod vult permittere peccatum hominis, sed peccatum hand velle, & propterea magnum discrimen est inter operationem diuinam, qua cum hominibus operatur in bonis, & inter operationem eius, qua operatur in malis. Operatur enim in bonis volens, ut ea sint, & fiant, non solum, ut actus sunt, sed etiam, ut bona sunt, & ad ea commodum, & opportunum auxilium dat, ac moue, sicutque voluntatem, & facit, ut velit: at verò operatur in malis, vna cum homine peccante faciens actum, ut actus est, non tamen volens, aut faciens actum, ut malus est: Et idcirco peccatum in peccantem ipsum, ut in auctorem conferatur, in Deum non item: quoniam is, qui peccat, eo ipso perperam, & male vult actum, vult enim contra rectam rationem: Deus eundem actum vult, & facit, sed non male, quia non contra legem, aut rectam rationem.*

Oppones i. Homo cūm peccat, non vult peccatum, ut malum, quia nemo malum, ut malum velle potest, nec malum, ut malum appeti potest, ergo homo, cūm peccat, etiam malum ipsum vult, ut bonum est. *Respondeo*, idē hominem peccare, quia vult, quod turpe, & malum est, licet id velit, ut sibi vtile, vel iucundum: & idē vult, quod est contra legem, & rectam rationem. quamvis id velit, ut sibi vtile, vel iucundum: Deus verò cūm facit actum malum cūm homine peccante, non vult, aut facit, quod est turpe, ut sibi vtile, vel iucundum: sed solum facit vna cūm homine actum malum, ut actus est, ac proindē illum male non facit, aut vult. homo, cūm peccat, vult, & facit turpe, non ut malum est, sed ut est sibi iucundum, vel vtile, vult tamen, & facit turpiter, & male, quia contra rationem, & conscientiam: Deus verò vult, & facit cum homine, sed non male; quia non contra rationem, cō quod tantum vult, &

facit actum, ut actus est, qui ea ratione sine Deo fieri nequit.

Obijcies 2. Sunt quidam actus per se, hoc est, sua natura malum, cuiusmodi sunt odium Dei, mendacium, ergo huiusmodi actus fieri bene non possunt etiam à Deo, nihil enim fieri potest sine sua natura: alioqui enim homo fieri posset, & non ratione prædictus. *Respondent* aliqui, nullum actum ita esse moraliter per se malum, quin fieri bene queat: nam quicunque actus per se malus, actus quædam est, & hoc ipso, quod actus est, malum ratione non habet, sed id est per se malus, quia non est malus eð, quod lex aliqua scripta, vel posita ipsum prohibeat; sed quia talis est, ut nemo præter Deum possit eum bene sc̄iēre facere, aut velle, quia si scienter, & sponte voluerit, aut fecerit, eo ipso volet, aut faciet cōtra conscientiam, aut rectam rationem. Sed certè actus per se malus idē est, quia bonus esse non potest. *Quare* aliter dicendum existimo odium Dei, ut odium est, mendacium, quatenus mendacium, furrum, ut furrum, homicidium, ut homicidium est, nunquam, aut à nemine fieri potest bene: sed Deus non facit odium, ut odium, sed ut est quidam actus. & ut actus est, boni rationem habet, non mali, boni, in quam naturalis, non mali moralis: homo verò facit odium Dei, ut odium est, & non ut actus quidam est. *Similiter*, Deus non facit mendacium, ut mendacium est, furrum, ut furrum, aut homicidium, quatenus homicidium, sed quatenus aut quidam est, homo verò est auctor mendacij, furij, & homicidij, idē homo est auctor peccati, siue mali moralis, non Deus. *Tertiò* obijcies, si quis scienter operaretur cum altero peccante, vna cō eo delinquere diceretur, etiam si nolle actū peccati, nec consilio suo, suatione, imperio, vel prece peccatum alter committeret: Cur ergo Deus cūm volens operetur cum peccantibus, auctor peccati non est? Propter huius argumentum vim quidam affirmant, in Deum nequaquam peccatum posse conferri ob id, quod cum peccantibus operetur tanquam causa naturalis, non moralis: peccatum autem quatenus tale, non in causas naturales, sed in morales referendum est, quippe quæ consilio, hortatu, iussu, prece, vel impulsu suo mouent ad agendum. Ceterū non videatur hoc responsum omnē argumentum vim laborare, quoniam Deus voluntari, & liberè extra seipsum operatur, non naturaliter, hoc est, non ex necessitate naturæ: & ingenue fatemur peccata referri non posse in causas ex conditione naturæ necessarij operantes: ad peccandum enim conspirant intellectus: quidem cognoscendo, & res, quæ obijcitur, mouendo, habitus vitiōsus reddendo habilem voluntatem, & animum, quæ suis viribus consociatis agendo non peccat, cum naturaliter agant, vel faciant; ut verò Deus liberè cum peccante homine operatur: curigitur, si quis liberè operaretur cum peccante, delinqueret, & non Deus? Respondent Deum non esse causam moralē consilio, hortatu, mandato, impulso, vel auctoritate ad peccandum mouēt. Contra hoc vrget adhuc argumentum: quia quilibet alijs peccaret, etiam si solum cum peccante operaretur nihil suadendo, præcipiendo, rogando, auxiliando, vel impeilendo. Respondent Deum non esse

non esse auctorem peccati, quia peccatum nulli tanquam auctori est tribuendum, nisi talis sit in agendo causa, ut possit à recto deflectere. At enim hoc est, quod in argumento queritur, cur potius homo, qui cum peccante operatur, à recto deficiat, quam Deus: nam hoc ipso, quod Deus cum peccantibus operatur, videtur à recta ratione recedere. Respondent, hominem cum peccante operatēm delinqueret, & à recto aberrare, quia legibus recte rationis in agendo subjicitur, quibus operari prohibetur cum altero peccante; at Deus in natura subficit omnibus legibus soluta; ipse enim est per se recta ratio, lex, & bonitas. Aliud quippiam, meo iudicio, addi oportet, vnde argumento plenē satisfiat, Deum nempe tantummodo cum peccante operari, quæ quidem operatio omni virtute, & culpa vacat, cō quod Deus est prima omnium causa, sine cuius operatione nihil omnino natura ab eo conditæ, & institutæ facere queat. Inter naturas autem, hominem ratione, & libero arbitrio præditum procreauit, ac sicut reliquias sunt iuxta conditiones, ac vires sibi datae agere, & propterea ipsi suam operationem non subfrabit, ita etiam naturam rationis, & libertatis cōpotem permittit agere iuxta voluntatem, & arbitratum suum: alioqui enim aut operationem suam denegare, aut liberum arbitrium necessitate quadam cogere deberet. Melius autem Deus indicavit sinere in vniuersum, vñ naturæ omnes iuxta facultates, & vires sibi inditas operentur, quam suam operationem subducere. Quo sit, vñ liberum arbitrium in suis actionibus, ut præmij, & laudis capax est, sit etiam posse, ac vituperationi obnoxium. Ex quo etiam perspicitur, magnum esse discriberem inter hominem operantem cum eo, qui peccat, & Deum ipsum: nam homo cum peccante operatur, cum posset, & deberet non operari: eius enim operatio non est peccanti ad agendum debita; at vero operatio diuina, ex ipsa prima rerum institutione, est omni creatæ cause agenti necessaria, & debita. Posset quidem Deus non operari, & proinde voluntarie, & libere operatur: Verum id agit iuxta modum naturis iam institutis debitum.

Sed questionis est dubium, an peccatum, vñ actus quidam est, fiat à Deo, non solum cum homine faciente illum actum, sed etiam mouente hominem ad ipsum actum. Grego. 2. dist. 34. q. 1. art. 3. quem sequitur Cap. 2. a. 28. q. 1. ar. 3. ad 12. sentit Deum face quidam cum homine actum malum, sed non incitare, aut mouere hominem ad actum malū: hoc enim dicere est impium, nemo enim Deo mouente peccat, aut fit deterior. Medi. 1. 2. q. 109. art. 2. ad finem, Capreolum in hac parte reprobatur, at enim rem esse certissimam voluntatem hominis nihil posse velle boni, aut mali, nisi prius mouatur à Deo ad operandum, sicut calamis nihil potest efficere, nisi prius à scriptore moueat ad efficiendum. Sed nihil est, quod in Grego, aut in Capreolo reprehendat Medina: quoniam solum docuerunt Deum aliter in bonis operari cum homine, aliter in malis: nam bona facit cum homine, non solum quod sunt, sed etiam quod bona sunt, & mouet hominem ad bona, nō solum quatenus sunt, sed quatenus bona sunt, & ideo homo fit Deo auctore bonus, & melior; at in malis

Deus facit cum homine, quod sunt: nō quod mala sunt: mouet hominem ad mala, quatenus bona quædam sunt, sed non quatenus mala sunt: & propterea homo non fit Deo auctore malus, aut peior. Non igitur mouet Deus hominem ad peccatum: sicut nec facit cum homine peccatum, quoniam peccatum mali rationem habet, & Deus eam deformitatem, & turpitudinem, nec facit cum homine, nec mouet hominem ad faciēdum, sed facit cum homine actum malum, quatenus aetus quidam est, & boni naturalis rationem habet: ac propterea non mouet hominem ad malum, sed ad bonum. Si quereras, an Deus voluntate antecedenti velit peccatum, ut actus quidam est, an solum voluntate consequenti. Bonauen. 2. q. 37. art. 2. quest. 1. ad ultimum, ait Deum velle bona, voluntate antecedenti, mala verò, solum voluntate consequenti, quia de malis nullum præceptum, aut consilium dedit: item, quia quod ad ipsum pertinet, mala non faceret cum homine, nisi ipse homo faceret: item, per seipsum sèpè hominem mouet ad bona, ad mala verò nō nisi per causas secundas, cum quibus ipse operatur. Henr. quodlib. 1. q. 6. fletatur, inquit, voluntas ad bonum per seipsum, non excludendo primum motorem dirigentem omne agens tum naturale, tum liberum: fletatur verò ad malum omnino per seipsum solam. Hæc ille, fletatur, inquit, ad malum per seipsum solam, hoc est, ad malum, ut malum est: item per seipsum solam, hoc est, sine voluntate Dei antecedenti. idem penitus docet Mai. 2. dist. 37. quest. 2. Aegid. 2. dist. 37. quest. 1. Argen. abidem.

Secundò queritur, An Deus præfiniat peccata? Præfinire, est ante statuere, atque decernere, quid sit in rebus agendum. Sunt tres opiniones, quarū Prima docet, Deum nullum opus liberum præfinisse, sed tantum quicquid ex necessitate naturæ sit, ita ut omnes naturales causas ad suos effectus destinauerit, liberas verò in suo arbitriu reliquerit; quamvis cum ipsis operetur. Quod probat auctoritate Damasceni libr. 2. de fide orthodoxa cap. 30. dicentis, Deum omnia quidem prænoscere, non tamen præfinire. Ac subdit rationem: Peccatum enim admitti non vult, nec virtutis vim affert: quare, inquit, prænoscit quidem Deus, sed non præfinuit, quæ sunt in liberi arbitrij potestate. Huius sententia fundamentum est, quia si ea, quæ sunt in liberi arbitrij potestate præfinisset Deus, libertatem sustulisset. Diuinum enim decretum est efficacissimum, cui refisti non potest. Si enim concesseris posito semel diuino decreto, liberum arbitrium posse contrarium efficere, necesse erit, ut fatearis posse diuinam voluntatem impediri, variari, mutari, tolli. Rursus, in nostra potestate non est diuinum decretum ponere, quia Deus per seipsum sine nobis omnia præfinivit. Ergo si iam ab æternitate positam impedire, aut mutare non possumus, sequitur, ut ex necessitate operemur: hoc autem dici non potest, ergo Deus non omnia præfinivit. Secunda opinio concedit, Deum omnia bona sive naturalia, sive libera præfinisse, sed non peccata. Et certè Augustinus, Prosper, & Fulgentius locis infra citandis videntur id magna ex parte docuisse. Sentiuot enim contra Pelagianos, Deum prædestinasse quidem hominū benefacta, & merita, nontamen peccata. Iuxta hanc itaque posterio-

rem sententiam præfinitio diuina nihil de libertate voluntatis detrahit: quamvis enim eius patroni fateantur Deum benefacta liberi arbitrij præfinisse; malefacta tamen ideo inficiantur præfinisse, non quia præfinitio diuina nostri arbitrij libertatem collat, aut minuat, sed quia ad malum, nullum præueniens auxilium præstat, hoc est, nemini malam cogitationem fuggerit, cum tamen ad omnia benefacta opem ferat, hoc est, bonam cogitationem instilleret. **Tertia opinio** in vniuersum ait, Deum præfinissimis benefacta, & malefacta hominum. Benefacta quidem omni ex parte, qua sunt; malefacta vero, quatenus sunt quidam liberi arbitrij actus, non tamen quatenus a rea ratione dissentunt, aut debita bonitate carent: quia ut actus sunt, re ipsa existunt, sunt, & conservantur, & ideo boni rationem habent. Id probant vnicar ratione, quia diuina voluntas omnium rerum est prima causa, sine qua nihil est, aut sit, siue sit natura, siue res, siue actio, siue motio: ergo ab aternitate voluit, ut esset omnis res, natura, motio, actio, que processu temporis sit. Inter has opiniones quidam pauci iuniores Theologoi primam tuentur, ut liberi arbitrij vim, & facultatem in agendo liberam defendant: sed fortassis, ut voluntatem nostram liberam faciant, faciunt sacrilegam, dum negant Deum libera nostra opera bona præfinire. Fortè nihil aliud significare volunt, nisi Deum non præfinire eo modo, quo præfinit effectus causarum necessariò & naturaliter agentium. Alij itidem recentiores secundam sententiam acriter tuentur, ne Deum peccati auctorem faciant, & ne cum Caluinistis, & Luteranis sentire videantur, dicentibus Deum in nobis peccata facere, & sicut facit etiam ipse met bona nostra opera. Existimo autem autores tertiz sententiae nihil cum Caluinistis & Luteranis sapere: quia non eo sensu, quo isti haeretici, dicunt, Deum præfinaire peccata, quatenus actus sunt. Alij vero tertiaz sententiaz ita adhaerent, ut affirant ceteros cum Pelagianis sentire, dum negant actus nostrorum etiam malos non præfiniri a Deo, ut actus re ipsa sunt. Alij videtur tertiam sententiam, nescio quid absurdum, & incommodi habere, quod malefacta nimis præfinit Deus, quoniam inde colligi videtur, voluntate, ac decreto Dei mala, & peccata fieri; at is ante statuere, & deliberare aliquid videtur, qui finem constituit, & ea, que conducunt ad subsequendum finem, destinat, ac dirigit: Sed Deus nullum peccatum proponit, ut finem, in quem intendamus, & quem actione veluti cursu petamus, nec aliquid adhibet, ut aliquis peccati actum eliciat, sed tantum cum ijs, qui peccat, operatur. **Nec obstat**, si dicas, præfinit quidem Deum actum peccati, ut actus est, sed non ut recta ratione contrarius, aut debita bonitate priuatus; quia obijcunt alij hoc idem de eo, qui peccat, dicere oportere. Qui enim peccat, tantummodo ante decernit facere a ctum, qui malus est, & solum vult a ctum, qui est peccatum: neque enim vult, quae est in actu malo cum recta ratione repugnantiam, nec debita bonitatis priuationem: hæc enim, cum in quodam respectu, & ordine constanter, per se, & directo non sunt voluntaria, sed consequuntur a ctum, qui est peccatum. Prima item opinio ne

scio quid bonis operibus ac potissimum gratie diuinæ, & Deo omnipotenti derogare videtur. Verum de hac ipsa opinione satis superq; nostro quidem iudicio dicemus, cum de gratia disputabimus. In præsentia solùm contra tertiam, & secundam opinionem argumenta proponemus, ut clarius intelligamus, in quo sita sit huiusce rei difficultas. Contra tertiam, videtur omnino, a Deo malefacta præfinita minime suisternam præfinire, ut prædicti, est ante statuere, quid sis in quibusque rebus acturus, quid vitaturus, at Deus, sic ut quia omnium præficientiam habet; ideo quid sit in quoque re futurum, ex omni aternitate certè prænouit; sic quia omnia prouidet; idcirco suo consilio, & nutu ex aternitate de singulis constituit, quid suo tempore sit facturus, quid refuturus. At de peccatis quidem decrevit ea non facere, & propterea fieri prohibuit, ac vetuit. Præfinitre item, est anteuille quid sit agendum, ac Deus nunquam voluit, ut malum quicquam feceret. Amplius, præfinitre, est ante aliquid decernere de fine proposito assequendo, & de comodiis, & idoneis remediis ad eum consequendum opportunè adhibendis; Deus vero nunquam peccatum, ut finem præstavit, nec quippiam adhibet, proponit, aut offert, quo quis peccet. Ad hæc, cum quis peccat, Deus non inuidet, non precipit, non excitat, non impellit, nec confundit dat, ut faciat actum, qui est peccatum; ergo non præfinit malefacta. De bonis ideo longè ante statuisse dicitur, qd decrevit ad ea suadere,hortari, monere, excitare, & impellere. Obijcias S. Thomam 1, par. q. 25, ar. 5, ad 1. afferentes fieri non posse, ut aliqua faciat Deus, quæ nō p. scierit, & præordinauerit facere: quia ipsum facere subditur præscientie, & præordinationi ipsius. Respondent ceteri, nihil fieri, quod non prænouerit Deus, non quia decreverit omnia facere, quia malum siue peccatum nō facit; sed quia constituit cum rebus singulis operari. Et negamus, inquit, esse à Deo præfinita mala eo pacto, quo sunt bona diuinitus constituta: nam in bonis statuit non solùm operari cum naturis, aut voluntatibus benè agentibus, sed etiam eas ad id commodis auxilijs præuenire; ut vero in malis solùm constituit per mittere sp̄tē sua, ut quis peccet, & solùm decrevit, operari cum voluntate maleoperante, non tamen eam ad malum excitare, aut præuenienti aliquo suo auxilio præparare. Deinde, si obijcias: peccatum est actus, & ea ratione est quedam res; at quicquid rationem, & vim habet res, subicitur diuina voluntati, quæ potest efficere nutu suo, & arbitrari quicquid potest esse. Respondent ceteri, peccatum esse actum quidem, sed cum ratione pugnante; actus vero rationi aduersus, & inimicos Deus non vult, & ideo ex aternitate eos nequaquam præfinit. Autores vero tertiaz sententiaz ita colligunt: quia Deus est ipsum primum, quod est, ideo nihil est, quod ab eo non sit; sic quia est primum actus, primum agens, primum mouens; ideo sine ipso esse non potest viius actus, illa actio, illa motio, ergo peccatum, ut est quedam actio, sine eo esse, aut fieri nō potest; sed Deus extra seipsum nihil facit, nisi ab aternitate voluerit, ut id certo tempore fiereret. Item, peccatum, ut actio est, mali ra-

tionem

tionem nō habet, sed boni: nam si homo peierando, occidendo peccat, amens tamen, sive furiosus vel dormiens peierando, vel occidendo non peccat; ergo idem est naturaliter actus, qui in uno est moraliter bonus, in altero malus; & ideo odio peccatum, ut actio est, Deus nō habet, nihil enim odio habet eorum, que facit: sicut Deus non odio habet naturam hominis, licet in eo, odio habeat iniquitatem. Item, sicut opus bonum est a Deo, non solum, ut actio est, sed ut bona actio est, eo quod Deus, sicut est primum agens, sine quo nulla actio est, sic etiam est primum bonum, sine quo nullum bonum est: ita etiam peccatum quatenus actio est, sine Deo non est, ut quatenus malum est, à Deo non est. Quidquid sit de hisce opinionibus, que fortassis si benignius, & mitius explicentur, secum non pugnant quamus verbo inter se plurimum distare videantur, nihil in praefentia definitio, sed solum ostendo, quid viri alioqui Catholici, & docti sentiant, quid doceant, quid dicant, & quid in singulis eorum sententijs difficile appearat. Aliorum est iudicium. Ego quidem primam opinionem in eum sensum accipio, in quem exstimo eam accepisse Damascenum, cum dixit, *Deum prenoscere omnia, sed non prescire omnia*: id dixit Damascenus contra Manichaeos, qui omnia dicebant fatali quadam necessitate evenire: & ita cuncta ex suis causis esse decreta, ut suis quaque temporibus necessariò contingant: & proinde librum arbitrium è medio iuxta Manichaeorum hæresim tollebatur: ita Sanctus Thomas i.p. quest. 23. art. ad i. Damascenum explicit. Secunda sententia solum contendit, Deum opera hominum, quae mala sunt, nunquam voluntate antecedenti, ita ut Deus nec præceptum, nec consilium de peccato det, nec malam cogitationem suggerat. Tertia opinio tantum docet, opus, quod malum est, ut actio quedam est, boni naturalis rationem habere, & eatenus fieri à Deo, quatenus est actio, & motio.

In hac itaque controversia concludo cum Augustino lib. i. de predestinatione Sanctorum c. 10. *Prædestinatio est, que sine præscientia esse non potest; at potest esse sine predestinatione præscientia. Prædestinatione quippe Dei ea præscientia, que fuerat ipse facturum: præscire autem potest etiam ea, que ipse non facit, sicut quaecunque peccata; & cum Fulgentio lib. i. ad Monitum capite 24. *Deus omnia hominum opera, sive bona, sive mala præscivit: sed sola bona prædestinavit, que se in suis gratia facturum esse præscivit.**

Item eodem capite. *Non omnia prædestinavit, que præscivit, quia omnia prædestinata præfigueruntur. Præfigunt enim voluntates hominum bona, & mala; prædestinavit autem non mala, sed solum bona.* cap. 26. *Quod daturum se præscivit, in eterna bonitatis dispositio ne prædestinavit: ipsa est enim prædestinatione Dei, emperit, ne tempore dispositio futuri operis Dei: in inquis autem plurimum est, quod vi essent mali non dedit, nec eos ad inquietum aliquam prædestinavit, quia ut iniqua vellet, hoc ei si daturus ipse non fuit.* Idem docet C. 17. 19. & 20. Propter ad obiectiones Vincentianas in responsi. 10. *Cuius prædestinatione nunquam extra bonitatem est: adulteria enim contigerat, & corripetas virginem non insisteremus Dens, sed daturare, nec disponere, sed punire. Non ergo casus ruerit, nec malitiam iniquorum, neque cupiditates peccantium prædestinatione Dei, aut excitauit, aut suscitauit, aut impulit.* Idem in responsi. 11. *Nihil ergo*

malorum negotiorum prædestinavit Deus, ut fierent, nec animam surpicer, & male rictum ad hoc, ut iustiter vivere, præparauit, sed talerum suorum non ignorauit, ac de tali iustificare indicaturum esse præscivit: aique ita ad prædestinacionis eius nihil aliud referri potest, nisi quod ad debitam iustitiae retributionem, aut ad indebitum pertinet gratia & largitatem. Idem quoque tradit in responsi. 11. 13. 14. 15. Auctor librorum Hypognosticon libro sexto statim post initium, ait, *Prædestinationis quippe à præcedendo, & præueniendo, vel præordinando futurum aliquid, dicitur.* Deni quicquid, antequam sit, præscit, prædestinat; & proprieas prædestinas, quia quæ facturum sit, præscit. Sed non omnino, quod præscit, prædestinat: mala enim tantum præscit, & nō prædestinat; bona re, & præscit, & prædestinat. Quod ergo bonum est, præscientia prædestinat; hoc est, priusquam sit in re, præordina; hac enim cum ex ipso auctore capitur, ordinat, & disponit. id ipsum afferit auctor Augustini nomine prænotatus, in responsive ad articulos sibi falsi impositos, art. 10. 11. 13. 14. Et Anselmus in lib. de concordia præscientia, & prædestinationis Dei cum libero arbitrio cap. 2. Certè hi omnes Patres videntur sensisse, nihil boni posse nos facere sine Deo præueniente, & adiuuante: hoc est, sine Deo bonam cogitationem fuggerē, & sine Deo faciente, ut velit voluntas bonum, quod Deus ipse fugget: sine Deo incipiente bonum, quod facimus, & sine Deo perficiente nobiscum bonum, quod capitur: at peccata facit homo sine Deo malam cogitationem dante, & sine Deo perficiente malum, quod ipse capitur: neque enim cum quis peccat, in eo perficit Deus ullum malum, quod capitur.

Ex quibus omnibus multi colligunt, Deum peccata non præfiri, quia voluntate antecedenti non voluit, ut quis unquam peccet, nec statuit Deus præuenire hominis voluntatem ad malum, quia unquam decrevit malam cogitationem fuggerere. Colligunt etiam bona id est præfiri à Deo, quia cum fiunt, Dei voluntate antecedente, & præueniente geruntur, Deo hominem mouēt, & instillante bonam cogitationem, quam per se ipsum, vel alios fuggerit, & idonea, & commoda auxilia ferente, ac deinde hominem opportuni auxilijs excitatum, & motum adiuuante ad bonum cogitandum, volendum, & faciendum. At vero peccata quia nō fiunt Deo auctore, nec fiunt Deo volente, ut fiunt, id est Deus ea prohibuit, non voluit, ut fierent. Bem. ad. i. inquit, *præfiriuntur à Deo, malefacta non item: quoniam illa fiunt à Deo hominem præueniente, & adiuuante, & faciente, ut fiunt; tum quatenus sunt, tum quatenus bona sunt.* Hec vero iuri ab homine, Deo quidem faciente, & volente voluntate consequenti, non antecedenti, ut fiunt, eis non quatenus illius sunt. *Objicies, sapè peccata fieri, aut consilio, & suasione Dæmonum, aut hominum prece, & hortatu, aut impulsu rerum in sensu naturaliter incurrentium, aut incitante appetitus illecebra:* Sed Deus cum his omnibus causis agentibus operatur, ergo fit hoc singula hominem peccantem præueniunt, ita etiam Deus. Respondent: que mouent hominem peccantem, naturaliter agere, aut liberè: que vero naturaliter agunt non sufficiunt, ut hominem ad peccandum impellant, & incitent, sed vi, & conditione natura agunt, & Deus cum illis operatur, quia

lebita est rebus ratione primæ creationis diuina operatio: & rursus res naturaliter agentes benè, non malè agunt: homo verò sua voluntate peruersa rebus malè vtitur, ac malè vtendo peccat. Quæ verò liberè mouent ad peccandum, ut dæ mones, & improbi, ac perditæ homines, ad malū alios impellunt, & depravata sua voluntate mouent, non autem Deo auctore. Deus enim cum illis operatur dunxat, sicut etiam cum iis, qui peccato consentiunt: non tamen hos, aut illos impellit, & mouet ad malum faciendum, vel ad male suadendum. Objicies: Aliquando Deus quædam ante hominem proponit, ex quibus mouetur homo ad peccandum. Respondeo, ea esse tantum bona, quæ Deus proponit, aut offert, sed homo eis male vtitur & sua sponte, & voluntate peccat, sic miraculis, & prodigijs tot, ac tantis à Deo editis, obstinatio nihilominus in malo erat Pharao. Non igitur Deus mala proponit, sed bona quibus homo male vtitur.

*Vitiorum in
relectio de
homic. n. 2
Meam. n. 2
q. 74. ar. 2.
ads.*

Tertiò queritur, An habitus vitiosus sit à Deo tanquam causa? Quidam arbitrantur in Deum, nec peccata villa, nec habitus vitiosos posse conferri: tum quia habitus vitiosus nostris malis aëtibus comparatur, tum etiam quia habitus vicius vi sua, & natura mouet ad malum: voluntatem item, & animum sè p. flectit ad praua. Concedunt quidem habitus vitiosos, ut habitus sunt, esse à Deo; negat tamè esse à Deo, ut vitiosi sunt: nam ut habitus sunt, boni naturalis rationem habent, non mali moralis. Quorum sententiam nos etiam probamus. Cæterum non est eadem prorsus ratio de aëtibus, quæ de habitibus vitiosis: quia peccatum in moribus, est actus voluntarius, & liber, qui à ratione dissentit, ac dissidet, & proinde culpa tribuitur, & poena debita vindicatur: at verò habitus vitiosus non est actus, nec rationis, & voluntatis imperio subiicitur. Homo enim à peccatis mundatus, & diuine gratiæ restitutus, vitiosos adhuc habitus retinet, nec propterea culpatur, nec plectitur. Quare habitus vitiosus præ uitatem moris non habet in se, quam haber opus malū; sed actus, quibus acquiritur malus sunt: nec tamen quia est causa mala, continuò sequitur, ut ipse habitus ex malis aëtibus cōparatus sit malū moris. Ex adulterio enim suscepta proles mala non est: Nec item idèo culpandus est habitus, quia proclivem, & propensum hominem reddat ad malum; ea enim in habitu propensio non est aliquis actus, sed est ipsa habitus substantia, natura, atque conditio: & peccatum in eo est, quod voluntas sua sponte consentiens, habitus propensionem sequatur; non in eo, quod habitus ex naturæ sua conditione eam promptè, & facilè moueat; quia tamen malus habitus quedam qualitas animæ est, & eius facultatibus inherens, licet culpa vacans, ex malis tamen aëtibus genita, & ad malum rationis mouens, & incitans, quatenus ex malis aëtibus comparata, qua ratione in bellis, pueris, & infanis non reperitur, qui agendo non peccant: idèo Deus per seipsum proximè habitum vitiosum creare non potest; nam ut vitiosus est, ex malis aëtibus comparatur. Item, vitiosus habitus ad malum mouet, idcirco à Deo proximè non sit: quanquam in habitu peccatum non est, quod ad malum moueat, ad suum enim

effectum, & actum naturaliter impellit; non autem suasione, consilio, prece, vel iussu libero: at Deus quidem cum causis naturaliter agentibus operatur, & eas vult iuxta suæ naturæ conditio[n]e[m] facit: non tamen per se ipse facit aliquid, quod moueat ad malum.

Quartò queritur, An error rationis hoc est falsus intellectus assensus, ex bona fide omni victio, & culpa carens in Deum, ut in auctorem, & causam referri queat. Simili quoque ratione dicendum existimo, errorem in Deum, ut auctori falsi coniiciendum non est: quoniam Deus per seipsum errare non facit; nec errorem immittit: nam licet alia sit ratio de mendacio, & quocunq[ue] ailio peccato, atque de errore à culpa libero, & immuni. Deus tamen per seipsum nos errare non facit; sed causa secundæ libertè, vel naturaliter operantes nos in errore inducent, cum quibus tamen Deus ipse operatur. Mendacium quidem est actus rationi contrarius; & idèo in Deum nec cadere villo modo, nec coniici potest: At verò error sine culpa, est tantummodo falsus rationis assensus, qui sicut à causis liberè, vel naturaliter agentibus existit, sic à Deo non quidem proxime, sed cum ipsis causis operante. Objicies, inde concludi, Deum fallere, & decipere: nam si est causa erroris, quo intellectus labitur, & errat, inde fit, ut eiusmodi intellectum errantem Deus ipse fallat. Errare enim sensum, vel intellectum, est labi, falli, & decipi. Respondeo, Deum non esse causam dolii, & fraudis, hæc enim sunt mala, quia recte rationi contraria, at error qui omni culpa caret, fraus & dolus non est, cum peccatum non sit, & naturaliter euenerat. Deus igitur fallere nequit, hoc est, testificari falso, non potest, nec suo testimonio, auctoritate, suasione, consilio, imperio falso confirmare: operatur tamen cum causis, quæ naturaliter errorem, & falso assensum in nobis ingenerant, & voluntas naturales iuxta vim suam, & conditionem actitare, cum tamen nunquam voluerit, ut quispiam peccet, nunquam voluerit, ut perperam faciat: non igitur Deus per se ipsum in errorem quempiam inducit: Sed cum causis naturaliter in errorem inducentibus operatur.

Quintò queritur, An peccatum quod est persona alterius peccati, sit à Deo tanquam auctore. *Cai. lib. 2. Reg. c. 12. in illa verba, ego suscitabo super te malum, & 2. Reg. c. 16. (quem alij etiam sequuntur) ingenio fatetur, eiusmodi peccatum est à Deo, quia est poena alterius delicti, & proinde est institutio peccatorum vindicatrix effectus. Deus enim quosdam in reprobum sensum traxit, & perhibetur, quia peccauerant; item que alios excaſſe: dicit quoque Reg. 16. Dominus præcepisse Semei, ut malediceret Davidi: & cap. 12. c. 10. *libri* ait Dominus ad Davidem, Ecce ego suscitabo super te malum de domo tua, & tollam uxores tuas in oculis tuis, & dabo proximo tuo, & dormiet cum uxoris tuis in oculis solis huius. *Sed certè August. lib. de predestin. scilicet. 10.* non concedit peccata, etiam quæ sunt aliorum poenæ, à Deo fieri; eius enim hæc sunt verba: Est sum quædam, quæ ita peccata sunt, ut pane etiam peccatorum sint: Unde dictum est: Traxit illoz Deum in reprobum sensum: non ibi peccatum Dei est, sed iudicium. *Mibi* itaque videtur dicendum, nequam Deum esse auctorem*